



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CXXI. Die von Alim zu Ringenwalde vergleichen sich mit dem Kloster  
Chorin über die Nutzungen der Dorfschaft Briest in ihrer Heide, am 19.  
Dezember 1450.

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

vnfen vorgescreuen, dat nūmant der vnfen van den vorbenomēden Brodern van Corin noch van eren perden, noch van eren wagenen, noch van heringe, noch van jennegerleye gude edder dyngē, dat ze to erer nodtrost kopen vnd vuren jn edder vth vnfen landen, genegen Tol edder beschattinge esschen edder nemen, edder jergene ane bekumeren, edder bezweren: vnde vp dat dat vnser vorgescreuen vorolderen vnde oldern vnde vnse gnade gift vnde bestedinge vulmechtich vnd ewigh blyue, So hebbe wy vorgnante hertog Casemer vnse Ingezegele mit rechter wijscop vnde gantzen willen hengen laten vor dissen Breff, De Geuen is to Stettin, na der bord vnser hern dusent vyrtieyhundert jn dem ein vnde druttigisten Jaren, am sridage vor Sunte Johannis baptisten daghe, vnder vnsem angehangen Ingezegele, Dar gegenwerdighe sint gewelzt her hinrik Strutz, vnser houes kenceler vnd domhere to zunte Otte to Stettin, Werner von holtzendorp, vnse houetman to Griffenberge vnde vnse voged to vkerunde, Busse von Ramyn vnde ander vele mer louenwerdige hyr to gerupen. Na aldudaner vnser oueroldern, oldern vnde vnser leuen hern vaders vorbenompt Breue vorbrynginge, de wy hebben gezeen, Hebben vas de vorgedachten andechtigen In god, alle de Abbet vnde Conuent des vorberorden münsters to Corin demodigen gebeden, Dat wy lutteliken vmme des almechtigen godes willen en vnde eren Nakomelingen Also dane Priuilegia ok vornygen vnde bestedigen wolden. Also hebbe wy angezeen ere mogelike, reddelike Bede vnd sint des mit mylder andacht wol bewogen, den wegen to volgende vnser olderen, vnde vornygen de In allen eren Articlen vnde puncten na vtwisinge alle erer Inholdinge vnde mit vnser forstliker maght vnde herlicheit, Bestedige wy en de mit craft disses gegenwerdigen Breues mit vnsem angehangen Ingezegele wol beuestet. Geuen to Coryn, Na der bord vnser hern vyrtieyhundert, dar na In deme negenvevyrtigsten Jaren, am Mandage na dem Sondage vor palmen, Alle men In der hilgen kerken synget Judica. Hyr an vnde ouer sint gewelzt vnse leuen getruwen Alfe Er Haffe von Blankenborg, Ridder, Ludike vnde hennyngh, Broder, geheten van Ramin, vnde ander mer vnser leuen getruwen, de lauen vnd thuges ok wol wordigh sint.

Nach dem Originale des K. Geh. Staats-Archives.

CXXI. Die von Alim zu Rügenwalde vergleichen sich mit dem Kloster Chorin über die Nutzungen der Dorfschaft Brieft in ihrer Heide, am 19. Dezember 1450.

Zu eyner gewyssen Bukentnisse Alle den genen, dy nu syn, vnd tu eyner liden dechtnyffe der genen, dy nach to komende syn, Des vor alle getruwe cristenluden welkes stades vnd werdicheit dy mogen syn, Bukennen vnd hutughen wy Olde Rypprecht, laurenz, syn son, Junge Rypprecht, Otto vnd Claus, bruder vnd vedder, alle genant dy van Alnam, wanaftich alle to Ryngenwolde, von vnz vn ok von alle vnser eruen wegen, geboren vnd vngeborn, oppenberlik met craft vnd orkunde desses briffes, dat wy hebben ouer getrachtet, ouertrachtyn vnd ansehn vorderff, grote armut vnd noddorft des dorpes Brezik, dat denne met allem rechte vnd tobehorynge ys des closters Coryn, So dat solue dorp van older vnd van langer tyt ywerlde vns, vnse oldern vnd oueroldern heft gegeuen dry wynspel hauer vor heide tyns, Des dor sunderliker bede wille des erwerdigen vnd andechtigen In crist vader vnd hern, hern Tobie, Abbet, vnd der gemeyne Conuent hern vnd bruder des soluen closters, vnd ok dor sunderliker lyue vnd toney-

ginghe des seluen closters vnd ok yo doer vnser lyuen höftelen salicheit vnd gedechtnys wille, hebbe wy vorbenumde van Alnam van vnser vnd van alle vnser vorbenumden ernamen wegen vns met dem wol werdigen hern vorgnant vnd met den soluen mede Conuenthern vnd brudern eyndrechtlich wol vorgan vnd genzlik voreyniget to eyne gantze ende vnd ewige wle van defizer na beschreben nuzsamkeit vnd gebrukynge wegen, Alse to deme irsten, so mach dy solue gantze bouerschap, dy nu syn vnd alle ore nakomelinge des soluen dorpes dryuen edder laten dryuen to wede alle ore vee, wat des sy, vppe dy gantze grote heide, alse war en dat beqwemest dunket to syn, vt genomen yn den hege wesen. Vort mer so mach dy solue gantze buerschap vp dy solue gantze heide hauwen so veil eyken legerholtes, alse en des nod vnd behuff mach syn, wen droge edder grune des soluen holtes scholen sy van deme flamme nicht hauwen. Vort mer so mach dy solue gantze buerschap vppe dy gantze grote heide hauwen weikholtes to oren wagen vnd plugen, so vel, alse en des dor tu behuf vnd nod mach syn, vt genomen to raden. Wente wert, dat ennych dor solues to Brëzik holt hyfe edder lyte hauwen to rade vp dy solue heide, dy schal dat solue holt vortynsen. Der soluen lykes wert ok, dat ennich gebur dar soluest troge mulde makede, schutteln, neppe edder wes dez geschirre were, dregede vnd des soluen holt ok hyue vp der soluen heide, dy schal dat ok vortynsen. Vort mer so scholen dy soluen gebur engeyn graz megen vp der soluen heide, noch to hau graz, noch so verfeh dat to hus furen. Vortmer ys yd fake, dat dy soluen buerschap dreuen ore swyne yn dy mast vp dy solue heide to der mast tyd, so scholen sy dy vortynsen na gewanheit des soluen iares gelik anderen bydorperen dar bulegen. Vor alle desse vorgeschreuen nozsfamycheit so schal dy vorbenande dorpfschap sy vnd alle ore nakomelynge vns vorbenanden van Alnam vnd vnser rechten eruen vorbenumt bureiden vnd bustellen met or eygen vur to Ryngenwolde yn vnser wonhau eyn, eyn wynspel hauer to heide tynse Jerlikes tynses vppe sente Mertens daghe nu nest to komende vnd so vort van Jare to iare, vp den soluen dach. Wert fake, dat sy den soluen hauer vp den soluen dach edder vngevert byn den nesten dagen dar nast nicht bustellen, alse vorbeschreuen ys; So moge wy solue vorbenumede van Alnam edder vnse vorgevante eruen sy dar vmme panden, sunder enger wedermut vnd dat solue pand antwerden to closter dem kelner vnd riddemeister, dy vns dene bynen acht dage bestellen scholen den soluen hauer ane wedereratz. Dat wy alle vorbenande van Alnam van vnser vnd vnser eruen wegen desse vorgeschreuen fake, dedinge vnd erscheidinge vaste, stede vnd vnvorrucket willen holden sunder arc, des to vorder tughe vnd mer groter bukentnisse, So hebbe ik olde Ripprecht vor my vnd myne rechte eruen myn Ingefigel met wyschap laten hangen an dessen briff. Des soluen likes hebbe ik Junge Ripprecht vor my, vor myne bruder vorbenumt vnd vor vnse rechten eruen ok laten hangen an dessen briff. Gegeuen na der geburt cristi dusent vierhundert In deme vestigften iare, des Sonawendes vor sente Thomas des heyligen Apostels.

Nach dem Originale des K. Geh. Staatsarchives.